



卧牛集初編

五六

和16
736
3



16



卧牛山人集卷之五

明治
月
日
齋

飛驒 赤田元義伯宜 著

男 光暢永和輯校

七言律下

送君美之伊勢是我

邦宗廟所在之地也

皇祖神降鑿水濱配天宗祀此同塵海門曙動風濤

壯盤戶春懸日月新邦國于今頒玉曆諦嘗自古奉

明禋帝孫一統無遷易好仰東方

王者仁

卜二集刀台

卷之五

一

淨冬宮

遙聞東臯先生開壽筵賦此奉賀

鬱葱佳氣大湖傍，令節弦歌客滿堂。
經國風流推宿老，揆天才藻見文章。
青雲送色琴樽麗，絳帳留春日月長。
欲向華筵遙上壽，題詩千里擬稱觴。

聞草廬先生還東山舊廬賦此寄呈

聞出湖中還舊廬，寺空猶認白雲居。
花濃京國春開處，鶯囀鄉山雨霽初。
載酒爭過楊子宅，換鶯工作右軍書。
老來病起乘晴日，行弄烟霞興有餘。

壽湖上石亭翁

百花春映壽堂紅，宴罷琵琶湖水東。
唐浦松標雕檻外，天台霞色玉杯中。
囊藏玉石家仍富，境接神仙地自雄。
閱盡滄桑知幾換，投竿何讓白鬚翁。

秋夜寄慰西門田生時喪兒

踈燈宵冷夢魂驚，嗟爾傷心百感生。
天外風高飄雁影，城頭月暗切蟲聲。
隱同南郭知容膝，悼似西河恐喪明。
是際沈沈多少淚，摧殘玉樹一枝情。

聞香陵師以法主命奉使西海又如越遙有此

不見香公三十年，各天消息若為傳。
紫溟波浪津梁遠，越路雲山枝錫懸。
須信浮生無住着，始聞行化有

因緣萍蹤萬里知頭白瞻仰茫茫江海邊

秋雨君美來訪 分韻

門前不改舊山阿秋色徒聞風雨多
一夜蓬蒿迎轍跡百年天地負松蘿
難酬白雪佳人調自慕滄浪孺子歌
欲賦閑居猶未就二毛潘岳奈蹉跎

蟋蟀

草際秋寒徹曉鳴聞來端坐淚縱橫
能醒旅客三更夢屢訴離人獨夜情
木葉飛時何所怨霜華冷處不停聲
悵然時搗征衣罷近隔紗窗喚月明

田君美病中有詩見寄且見示東遊詩草賦此

答寄

枕簟迎涼卧幾回依然一室掩蒿萊
寧無濁酒迷人酌忽有新詩寄我來
上國曾為探勝客名山併試勒銘木
共知藻思耽秋色應是烟霞疾裏裁

歲暮宴郡丞清陰館

郡府風光屬歲闌一時開舍醉為歡
高陽星藉青雲聚郢國歌翻白雪寒
宦暇當年耽翰墨交遊良夜對杯盤
城頭咫尺還乘興聊作山陰訪戴看

草堂集

青松楚楚伴閑居巧似畎川賦
遂初移榻清風飄薜

荔迎人明月照階除，窓前山暗孤亭夕。架上塵封數卷書，不是羊求時問訊。舍傍幽徑未曾耬。

新秋雨伯瑜士良見訪同賦

得山字

茅齋咫尺傍青山，坐上看雲白日閑。雨過門前人並至，松昏窗外鳥飛還。委懷世載圖書裏，晦跡三秋蘿薜間。床頭常有一壺酒，對酌論心為解顏。

壽西京指月師七十

新開壽域帝城傍，一日供張古佛場。龍谷法雲分瑞氣，蟾宮桂樹發天香。盤飧豈少醍醐味，杯飲頻呼般若湯。多少門人方外頌，曇華貝葉幾成章。

清公績教授于郡上，遙有此寄

儒術青年獨出群，洛陽誰復有如君。一時優仕天涯遠，千里才名疆外聞。鳥道崢嶸龍嶺樹，鴻書縹緲錦城雲。郡上因風時下瓊瑤報，幾向西山望夕曛。

春日漫興

春來雨雪掩柴關，擁褐酣眠晝自閑。欹枕頻窺黃鳥語，開窓時見白雲還。百年心事江湖外，一世狂名酒肆間。潦倒何妨吾獨醉，生涯莫逆是青山。

士人滕君清陰館二首

城西粉堞夕陽間，中有華亭自占閑。遶屋松杉倉稻

廟當簷烟雨卧牛山庭園入夏清陰合泉石先秋涼
景還吏隱風流能愛客謾容踈放此追攀

窓外蒼蒼夏木深朝回隱几坐清陰經遙時避風塵
色宦暇兼存邱壑心地有名山當拄笏園通流水響
鳴琴叢祠不隔階庭際一任烟雲繞榻侵

送士人從明府赴越前士人本越前人

書劍從行向越州今朝風旆去悠悠征軺曉度青原
野縣府秋開白水流肅氣千山連驛路飛霜九月滿
貂裘也知羹膾吳江近不似尋常作遠遊

聞荒園翁登立嶽賦寄

鍾秀巍然澤國東登臨何處倚仙宮中峯霽動千秋
雪絕頂寒生六月風地盡陰雲連渤澥天低積翠落
鴻濛遙聞著屐縱遊賞邱壑于今屬謝公

君山先生告老賦以奉呈寄

當年謝病好懸車不復垂帷效仲舒抱甕漢陰應自
得乘槎滄海定何如新篇欲著歸田賦舊業閑修種
樹書門下幾人能載酒秋來卧穩子雲廬

松平伯邦襲職賦此寄賀

大國風流兔苑開仙郎壯歲侍平臺主恩新拜藏書
監吏術還推濟世才鳴佩金城初日動揮毫蓬島瑞

雲來尋盟若許通家好願接清歡戲一杯

伯瑜士良夜過 得生字

樽前把臂說平生白首相知湖海情詞賦曾憐騷客
感交遊豈避酒徒名西風夜度梧桐落北斗天低河
漢頤共醉衡茅秋色裏蟲聲四起月空明

次韻荒園翁登立嶽之作

維岳峻嶒鎮朔邊登臨今日思悠然星辰夜宿仙壇
上呼吸朝通帝座前鳥道千盤衝露轉鯤溟一片接
雲懸到來已有凌虛想回首乾坤獨自憐

龍澤君挽詞

當年出宰氣何雄想見風雲百里通一代功名霄漢
上九原霜露夕陽中鳧飛葉縣尉安在龍去延津劍
已空獨有高隆山畔月夜來長照郡城東

悼草廬龍先生二首

戶外逍遙曳杖晨那圖坐奠夢成真名齊山斗高當
世歲在龍蛇嗟哲人逝水不留淡海暮白雲空隔帝
鄉春無由絮酒遠相吊哭向西天一愴神

白雲途斷欲安依菡萏風流人已非千里山河愁自
失百年天地事多違謾傳霄漢騎龍去未識遼東化
鶴歸惆悵縱逢三顧問如今空掩草廬扉

冬日寄宮闈令龍溪致仕

卧病東山有故邱，看君出處擅風流。
辭來北闕青雲色，歸去南陽黃菊秋。
猿雀相迎閑避迹，琴書依舊好消憂。
相思招隱情偏切，天外難乘雪夜舟。

早春松石園即事

卧牛春映篔簹門，斜依舊城頭。
賣酒家積翠，山迴消宿雪。
屠蘓杯暖引流霞，階前芳草連朝雨。
瓶裏疎梅殘臘花，歲改還嗤人已老。
經營松石是生涯。

春日遊東村邊氏

桑柘村園野水邊，來從洞口此攀緣。
遙遙暮色千重

嶺，漠漠春陰百頃田，釀秫家栽彭澤柳，
逃人地似武陵仙。到來偏覺市朝遠，
酣暢題詩醉自眠。

松石亭集

寂寞閑庭春自深，豈圖車轍忽相尋。
林庭一掃蒼苔暮，山水長通綠綺音。
石上開尊人共醉，松間移榻月平臨。
不嫌窮巷乏供給，聊此逍遙恣賞心。

春日攜諸子侄遊鳩峯途中作

城北風光接野田，鳩峯一路艷陽天。
滿山花氣青松外，負郭人家綠水邊。
寺觀參差晴似畫，川原繚繞遠含烟。
應見裁成春服色，冠童相伴浴沂旋。

草堂同士德賦 得閑字

老去開園五畝間，終年誰識此占閑。
把樽須喜同人過，掃榻時看飛鳥還。
窓外晚陰生綠竹，簾前雨色散青山。
依然陋巷無車馬，烟火春深好杜關。

君美見過 得過字

衡門落日喜君過，三徑依然帶薜蘿。
雨滴疎松涼景動，風來脩竹晚陰多。
生涯共約滄洲趣，世上誰酬白雪歌。
舊友相看容膝處，城居長自似嵩阿。

追悼鳴門丈人

別來天外隔商參，今日那知聞訃音。
掛劍遙傷千里

涕，解驂空吊一時心。青毡坐冷人安在，烏几書留春自深。
三尺孤墳何處所，浪華城外杳難尋。

喜皆演尊者過訪 注曰尊者時謀重建照蓮

朝來持鉢著袈裟，長者逢迎定幾家。
應有布金開給苑，始看飛錫自耆闍。
春寒窮巷鶯花少，風動閑門藜藿斜。
莫似卧禪能致問，蕭然一室比毘耶。

哭士人

新埋玉樹白雲鄉，追想風流涕淚滂。
百里才名堪寄命，十年宦達屬遊方。
酒壚終見山河邈，菽水徒令感慨長。
莫是天涯思越嶠，招魂不返使人傷。

冬日同諸君遊東村邊氏宅

行訪東村舊主人，蒸藜釀秫好供賓。
境幽真有渙樵趣，市遠寧容車馬塵。
數頃平田分洞口，千崑曙雪照溪濱。
携來一醉狂踈侶，謾學陶家戴葛巾。

哭君山先生二首

寂寞玄亭誰復尋，白雲飛盡晝陰陰。
萎壞自占兩楹夢，存沒空悲異代心。
天失龍泉高斗落，山封馬鬣夕陽深。
望來風雨楚天迥，欲賦招魂思不禁。
山河一別意何如，回首人間感慨餘。
鄭國典刑空博物，茂陵消渴有遺書。
斑衣欲灑床前淚，片月長照冢

上廬獨在天涯悲永訣，臨風惆悵一欷歔。

和角溪尊者幽居韻

崑崙一鎖碧溪邊，開士幽居秋可憐。
夜靜上方明月冷，天晴半嶺白雲懸。
禪心不染蓮花水，香界長翻貝葉編。
獨覺超然塵網外，山中趺坐幾經年。

夏日同子敬伯瑜士良過八幡旭師房

乘霽同遊出郭門，青鳩峯下問紺園。
千林雲做斜陽外，六月涼生過雨痕。
不禁陶潛頻載酒，好尋支遁此交言。
偏憐探勝離城市，邱壑由來道自存。

遊松木氏邂逅越中成西二生得遊字

滿堂盃酒醉相酬，林下重來興轉幽。山色當城秋已近，蟬聲繞樹日初收。三餘頻引談玄侶，千里時看並駕遊。最愛謝家蘭玉美，階庭依舊事風流。

中秋同伯瑜伯健士信登五雲壇賞月得來字

仙壇高枕錦江開，一夕同人乘月來。天朗中宵清露下，山寒滿壁白雲迴。紫簫吹斷霓裳曲，綠酒暗浮沈澹盃。羽化飄然攀桂樹，淮南秋色正堪裁。

伯瑜伯健文畏秋日登袞裘山余有故不果往

故賦以贈

清秋並駕入雲峯，絕頂香臺紫翠濃。十里烟霞平野

樹，諸天風雨上方鐘。山中論舊逢僧侶，溪畔題名駐客蹤。此日塵寰逃未得，無由勝地一相從。

重陽前一日同伯健文畏士信登飯山寺

黃花新發梵王宮，詞客登高四望通。列嶂秋迷寒雨外，長流暮落靄雲中。應知許飲同廬岳，何必交言讓剡東。佳節明朝不相待，頽然落帽任天風。

九日雨寄子敬

誰知佳節負同遊，搖落西風白雁秋。混俗行藏關世態，傷心歲月任江流。飛霜短髮人空老，片雨孤城暮未休。獨對黃花強自慰，浮雲滿目不堪愁。

奉送 原明府西巡

高城朝發玉花驄，行縣頻年思不窮。
歲暮三州收貢稅，政成百里問民風。
東京近日雙鳧過，北海逢秋斷雁通。
處處山川勞跋涉，前途無恙壯遊中。

悼伯瑜

尚思菡萏昔驅馳，吾輩風流彼一時。
掛劍何人同季札，絕絃今日為鍾期。
詎料郢國歌中趣，散入山陽笛裏悲。
追尋往事猶疑夢，幾回披篋閱遺詩。

和答士德見過之作

烏啼城上月，來初雪滿寒庭。
樹影疎，半夜風流迎對。

酒十年，衰晚懶繙書。
客裁鸚鵡誇新賦，身托烟波任老漁。
一醉論交，千古事，狂歌相得意何如。

十六夜待士德不至

烏鵲驚飛月滿林，三更不寐起沈吟。
已知天上光旋減，稍覺人間秋正深。
蟋蟀聲寒催曉漏，梧桐影落拂清砧。
無端遙夜思玄度，一水盈盈千里心。

冬日某師寓居墊子容宅賦以贈

城對南山暮景斜，東籬十月發寒花。
偶留廬岳高僧偈，來訪柴桑隱士家。
架上琴書消白日，階前蘿薜引青霞。
料知參問耽禪味，頌得清風一碗茶。

初夏洞水師及諸君枉駕草堂

春盡柴門草樹深，袈裟乘晚此相尋。
人間文采多英彥，方外風流徹古今。
為是談論同臭味，聊將城市擬山林。
最憐良會多禪說，一日茅堂異代心。

意城上人過訪有詩見示

咫尺南山送晚霞，衡門春色駐牛車。
豈料溪上過橋日，却問城中釀秫家。
明月投來珠有彩，新詩題去筆生華。
他時更望匡廬頂，結社應開白藕花。

送木士咸

一路春風動別顏，壯遊西去向京關。
直從東海經南

海行遶千山，與萬山上國鶯花迎馬首。
離堂杯酒問刀環，送君殘雪高城曉。
欲縮垂楊不易攀。

過亡友伯瑜居

鶯啼花落入殘春，脩竹依然舊四鄰。
過客空濺聞笛淚，清齋為勸吃茶辰。
詩留壁上窺遺墨，琴在床頭生暗塵。
似是西州門外路，到來慟哭一傷神。

追悼滄洲老人二首

曾從杖屨接風流，一代遺編幾卷留。
徒惜山阿成永訣，猶思林下作同遊。
床琴寂寞人安在，隣笛淒涼客自愁。
難奈登仙天路渺，白雲秋月照滄洲。

流水生涯去不還，猶思邱壑昔追攀。少微月犯南中，
夕干將龍歸延渚間。一世交遊嗟異代，百年踪跡托
名山。自傷邦土喪遺逸，感舊無端涕淚潛。

草堂即事

滿床狼藉讀殘書，四壁春深塵事疎。當屋青山雲起
處，嘯林黃鳥雨晴初。時迎隣叟恣談笑，日課園丁鋤
菜蔬。壘石移松鍾野趣，馴人鳥雀下階除。

送田君美携家属遊尾崎

千峯途轉水潺湲，古木長藤巖壑間。洞口哀猿和雨
叫，林邊飛鳥咽雲還。孤舟秋泛三閭渡，短屐朝穿四

美山料得故人行樂，日携家到處是鄉關。

月夜邊士蒸見訪

白雲秋滿卧牛陰，移石栽松擬遠林。月下何人新命
駕，樽前此夕對披襟。風翻半榻書編亂，露滴中庭蘿
薜深。今夜賞心殊不淺，彈琴一曲為知音。

暮春夜叢桂園

春宵投轄此相留，明月芳園寄一邱。點酒閑花時送
色，映軒叢桂自占幽。興同林下多狂態，咏似山陰試
勝遊。乘醉更聞絃裏調，洋洋流水響床頭。

奉壽箕山先生八十

樂山曾比老彭賢，好古風流一世傳。刪述何妨浮海日，絃歌不廢杖朝年。身居安宅推天爵，家驗奇方類地仙。江國如今躋壽域，須看湖水數成田。

春宵九日遊北岡

松際携樽倚翠微，回看城邑思依依。烟嵐含雨侵樵逕，薜荔回風濕客衣。列嶂清秋雲不斷，晴川落日雁長飛。誰知少長登高日，醉後留連步月歸。

白雲賦得竹契遐年壽平安淇水樓主人五十應田

士煥需

壽遙新賦碧琅玕，好卜千秋約歲寒。淇隩文章風自

遠山陽琴酒興尤寬，共言高節凌霜雪。更見繁陰棲鳳鸞，知命從來君子操。清脩長作美人看。

暮春謁山王祠途中作

山王有院曰松樹山曰石光

城南三月彩霞斑，拾翠尋芳野徑間。松樹半藏花下院，石光新洗雨餘山。烟開遠水長天合，風靜孤村落日閑。來去賽神多少客，應同春服浴沂還。

次韻子敬別墅之作二首

前池水綠樹縈回，一雨涼生浥暑埃。村落雲深喧鳥雀，林庭客過踏莓苔。千重東嶺當簷見，十里西郊入坐開。更酌主人家釀美，陶然歡笑幾頎杯。

散步雉城思杳然，故人郊墅綠雲邊。
棋消長晝晴軒下，池引清流野水前。
曲巷涼陰移柳地，隣籬翠蔓種瓜田。
就中應有羲皇夢，白日頽壺醉便眠。

九日雲龍別院集常陽鳥巢上人在坐

城東禪刹倚嵯峨，爲許同人載酒過。
雨霽新憐黃菊馥，山深更愛白雲多。
遊方杖錫尋風月，滿坐詩篇映薜蘿。
願蓋相逢蓮社趣，天涯佳節意如何。

送存妙禪師轉住能州總持寺

元弘官刹甲扶桑，諸嶽雲封海一方。
賜紫千年傳聖詔，拈華十笏帶天香。
清秋飛錫風空遠，積水乘蘆

路更長。北望須彌懸日月，爾時爭照白毫光。

田家夏日

白鷺雙飛水滿田，村南村北遠含烟。
農時正值芑種節，野色偏霑梅雨天。
臺笠雲移通墾壤，茅茨樹密帶流川。
黃昏人馬皆泥土，洗足歸來月照椽。

暮春郊行次岡生韻

遲日晴郊鶯轉辰，韶光邀我自相親。
桃花經雨隨流水，草色籠烟欲暮春。
幾處鬪雞村巷口，誰家飲馬野川濱。
杖錢拋向旗亭上，一路閑吟乘醉人。

岐蘓石作士幹寄示翠山樓集聞近任執政職

層樓百尺萬山中，政就登高賦轉工。嘯鳳音從蘓嶺響，浣華箋向錦川通。宦途魚水恩波合，菽水聲名才藻雄。聞說信陽崑嶽險地，于今國士自英風。

明府枉駕靜修館賦以奉呈

清秋明府駐高軒，一畝宮成小杏園。劍履逍遙乘暇日，裳衣顛倒掃閑門。屋間新壁泥猶濕，窗外修篁陰未繁。茗話倉遑還促駕，踈鐘聲裡月黃昏。

門人 埜口玄珪士錫訂

卧牛山人集初編卷之五

卧牛山人集初編卷之六

飛驒 赤田元義伯宜 著

男三光暢永和輯校

五言絕句

夜踰七盤嶺

松間月似珠露濕，山中道促織不停聲。秋風吹野草，

彦根客舍

花雨春城暮思歸，聽杜鵑誰知連夜夢。多在錦江邊，

客中五日

他鄉逢此日，千里倍思親。獨對新蒲酒，眼中少故人。

分題羽林騎閨人

夫婿事豪華，金鞍白鼻騮。春來從幸夜，多宿杜陵花。

已聞暮潮去，復見早潮來。潮水日來去，離人獨未回。

閨怨

庭外薜蘿草，青青及此辰。三年離婦淚，采采已沾巾。

山水圖

鬱鬱嶺頭雲，離離江上樹。茅茨三兩椽，中有何人住。

自君之出矣

自君之出矣，別恨一何深。思君如膏燭，終夜獨煎心。

古意

妾心如白石，郎意似飄塵。飄塵何日定，白石長粼粼。

詠史

兄嫂相看笑，年年因出遊。不知三寸舌，能說六諸侯。

閨情

織出機中錦，錦文爛作章。欲裁恐中斷，上有兩鴛鴦。

平蕃曲

野戍烽烟斷，秋清大漠間。漢家收故塞，萬馬飲河還。

採蓮曲

紅粉照清波，羅衣帶微吹。低頭貪採蓮，不覺華簪墜。

小集分題公子行

公子章臺陌，春風鳴玉珂。欲知馬行處，滿路落花多。
胃城山 明府道遙園七勝之一

古壘青山上，年年枕碧流。松間明月色，猶似昔時秋。

黃花塢 同上

滿塢黃花發，叢芳薰酒時。風流彭澤宰，日日醉題詩。

青松徑 同上

三徑孤松秀，朝朝清露垂。鬱蔥千歲色，巢鶴定何枝。

柳原亭分題閨怨

邊地音書至，傳郎鬢已斑。十年閨裏夢，徒認別時顏。

暮春遊玄興寺得花字

寶林多寶樹，春遍梵王家。向晚清風起，諸天忽雨花。

江南曲

芳草汀洲綠，落花春自深。相思人不見，江上日傷心。

遙題勢州某氏所藏酒盞盞豐王之賜也

一盞豐王賜，投醪恩澤流。至今錄功迹，勝飲月支頭。

雪峯瑞上人滅後垂二十年一寺罹災舊貫不

存凡百廢闕唯有法孫尼爲修忌祭云二首

逝者一如斯，徘徊復問誰。廬山非昔日，淚落遠公碑。

燒殘生蔓草，香界久荒涼。唯有女僧在，慙慙掃影堂。

秋香圃

石雲齋六勝之一

偶遇新醅熟，籬邊菊亦芳。詩人杯裏興，日摘泛秋香。

飛泉澗

遵渚亭五勝之一

澗道蔭疎松，風涼不知夏。昨宵雷雨過，崖口飛泉瀉。

清灣

同上

清淺前灣水，夜魚自可窺。秋波明徹底，秋月照波時。

松間月

松際涼如水，東方月出光。月來松影落，照我山中牀。

野寺晨鐘

有莘堂十勝之一

老杉三兩株，落落攢蔥翠。自聽曉鐘聲，林中知有寺。

菅祠松樹

同上

宗臣儒雅流，遺貌長如在。仰止彼山松，蒼標幾千載。

松村夜雨

同上

月黑聞寒雨，蕭蕭野水濱。松風吹不斷，夜火幾歸人。

山水圖

茅屋青山下，秋風湖水濱。此中呼不起，堅卧更何人。

草堂喜士德至得窓字

逢君秋雨夜，剪燭倚西窓。千古談何盡，酣歌倒玉缸。

牡丹

一枝新帶笑，不讓漢宮春。看此傾城色，無情也動人。

漁父

賣與魚蝦去，有錢投酒家。不知風浪苦，一艇是生涯。

鳥巢六詠應東峨師需

一點如橫黛，筑波天外峯。晚來時極目，唯見夕陽春。

右筑波夕陽

稻梁滿野秋，場圃時收穫。飲啄遠相呼，雁群天際落。

右平田落雁

板橋橫野水，散步向孤村。涼月如霜白，不曾認履痕。

右野橋涼月

水淺垂楊岸，儵魚日出遊。一川經雨漲，蓑笠棹孤舟。

右小水孤舟

斗出芙蓉雪，西來掌上看。玲瓏如削玉，一掬映松寒。

右富士積雪

鬱鬱園林暮，啾啾衆鳥聲。歸飛棲宿穩，不肯月中驚。

右鬱林宿鳥

四妃怨

望斷蒼梧遠，怨同湘水深。斑斑千古淚，苦竹染成林。

右湘妃怨

君王雖不逝，四面楚歌聲。矢吾墳上草，好記美人名。

右虞妃怨

昭陽花外月，夜宴正分明。夢斷君王遠，唯聞鳳管聲。

右班妃怨

朝辭丹鳳闕，暮宿黃河濱。縱有還宮夢，穹廬室裏人。

右明妃怨

新燕

新燕來巢日，微風繞舍長。啣泥春雨後，滿口落花香。

六言絕句

題畫二首

山下閑雲碧水，渡頭淡月黃昏。烟波一艇漁叟，楊柳

千條酒林

點點沙頭落雁，迢迢雲外層巒。湖天春日烟景，須向此中一看。

山居四首

雨餘芳草春綠，雲外倦禽暮還。門種陶潛碧柳，宅隣謝眺青山。

春睡常過晝午，閑棲長絕塵囂。從來邱壑涯分，身未曾知市朝。

屋外一痕淡月，山中萬點梅花。時吟好句迎友，夜坐閑窓喫茶。

臣牛集初編 卷之六 靜修館藏
雲封屋後幽徑水繞門前小橋避跡常隨鹿豕携家
長學漁樵

七言絕句

明府席上望鞍嶽雪

紫府開筵嶽色寒參天積雪彩雲端朝朝拄笏神明
宰長作城頭姑射看

少年行

意氣銜恩獵渭城馬如奔電步空行五陵騎射貴遊
子不必逢人說姓名

彦根城西郊行

晴川漾漾草萋萋芹水橋邊路向西花落江城春欲

晚青山隔岸白雲迷

庚申山一名白雲山又云
觀音寺山舊佐佐木城址

西京途中

花時走馬向京華遊子淒淒客路賒應是鄉親倚門
待子規啼盡未還家

春宮曲

名花傾國慙芳辰濃艷長含禁苑春新寵即今誰得
似沈香亭北倚欄人

荒園席上分題蟋蟀入牀

蟋蟀聲寒秋夜長，終宵唧唧響空牀。無端喚起愁人夢，月色如霜轉斷腸。

寒江獨釣圖

雪笠烟蓑畫裏分，漁舟不動暮天雲。他時物色寒江上，帝坐客星恐是君。

青樓曲

遲日春風鸚鵡杯，樓頭向暮望郎來。忽看馳道紅塵起，萬騎長楊罷獵回。

逢俠者

相逢俠客五陵春，一諾千金輕一身。臂上刀瘢君試

看當年燕趙報仇人。

子敬宅集分題塞上曲

夕見連營一雁飛，征人猶自戍金微。十年慣看沙場月，復遣秋風吹鐵衣。

園菊爲馬所嚼

嚼盡秋芳嘶未行，繫來何事一無情。今朝蹴踏東籬下，不與騷人留落英。

宮詞二首

旌旗昨夜宿長楊，獵火分明馳道傍。天子近來專講武，新恩多賜羽林郎。

鳳吹龍簫宴正開，君王日醉玉樓臺。侍兒齊按神仙曲，已報前庭青鳥來。

偶作

蓬蒿三徑雨中春，寂寞門無車馬塵。日日據梧眠正好，從來天地一閑人。

山中二首

林壑迢迢樹色連，山中結屋兩三椽。生涯愛此烟霞窟，高卧悠悠不計年。
千峯積翠半橫空，落木寒泉一徑中。試向白雲深處宿，通宵夢冷滿溪風。

賦得湘靈鼓瑟

瀟湘秋滿洞庭濱，千載精靈怨尚新。瑤瑟彈來風月夜，曲終湖上更無人。

子敬卧病賦此寄贈二首

賣酒風流馬長卿，好將消渴避時名。笑他謾羨金莖露，伏枕還高慢世情。
圖壁深看邱壑心，卧遊時曼五絃琴。知君能使名山響，世上何人是賞音。
子敬好畫未幾文文賦思計

明府席上分題塞下曲

遠逐強胡青海濱，天風撲面起邊塵。直提長劍沙場

夜月下生擒幾許人

秋閨怨二首

候蟲聲起月如環，秋晚離人猶未還。
夜夜相思情謾切，夢魂飛度燕支山。

終夕裁縫玉臂寒，空牀寂寞惜秋殘。
相思不覺燈前淚，誤點征衣曉未乾。

春日作

宅纔三畝市廛間，終日無營心自閑。
乳雀階庭來啄粒，牀頭坐見卧牛山。

暮春過田家五首

晴川十里水烟迷，兩岸微風楊柳齊。
借問村家何處住，看花直到野橋西。

數椽茅屋夕陽前，籬落春深種秫田。
客至幸逢家釀熟，何須更掛杖頭錢。

野水蓬門柳色清，村童見客喜相迎。
傾壺直就牀頭飲，不必慙慙通姓名。

村家日煖競芳菲，處處田園菜正肥。
甕牖蘆簾風自軟，鳴鳩乳燕近人飛。

青山繚繞主人家，屋外涓涓澗水斜。
雞犬相迎如有待，當門開落野桃花。

從軍行奉次韻 明府

萬里從軍去未還，胡烽不斷滿天山。
漢時關塞秦時月，長照沙場戰士顏。

楚有章宅送惠旭師還石動山

雪裏聞君向北還，高亭夜色對離顏。
遙飛錫杖天平寺，何處春雲是故山。

三日集伯健錦江別莊二首

芳草青青野色開，雨餘山翠入簾來。
橋邊客至宜觴詠，家在桃花流水隈。

東山花映夕陽紅，春服新成引冠童。
濯錦江頭春水

綠詠歸且試浴沂風

送伯健

天晴鰲背彩雲通，玉女樓臺海氣中。
聞道廣陵濤更壯，羨君萬里駕長風。

送君美

春城花落雨霏霏，匹馬今朝向北飛。
縱有越中蝦菜美，知君日戀故山薇。

軍城早秋

秋風昨夜落關榆，起見西山邊月孤。
不脫戎衣還上馬，親驅精卒逐強胡。

羽林少年行

漢家名族羽林郎，騎射曾誇六郡良。天子一朝賜顏色，金章新佩出明光。

過酒家

大道驕嘶白鼻騮，春來過飲杜娘家。傾壺一醉垂楊裏，隨意揮鞭踏落花。

賦得柳邊繫馬二首

春滿章臺酒肆中，何人來繫玉花驄。霜蹄躩蹀紅塵起，日暮長嘶柳外風。

陌上誰家白面郎，朝回紫綬縮金章。青樓門外雙楊

柳，繫得驂騮幾尺長。

春日漫興

城外春風花正開，看花載酒幾人來。年年不管看花老，花裏年年盡醉回。

城西訪季文

負郭秋光野水邊，草蟲聲苦月如弦。徘徊空鎖柴門下，良夜幽人恐未眠。

和某禪師寓居之作六首節二首

城東咫尺白雲邊，煮茗爐頭柴火烟。寂寂間居人不到，滿山風月總棲禪。

棲禪何處掩柴關，寄迹烟霞泉石間。破衲可縫還可補，春來蘿薜遍前山。

藤橋

有記茲不贅

渡口風濤拍岸鳴，滿川涼氣水雲生。蒼藤織出橋千尺，人似龍蛇背上行。

籃渡

同前

蒼巖壁立對千尋，籃掛半空臨水深。身命如何唯在索，行人未渡已灰心。

喜鳥巢上人過訪

東來錫影卧牛傍，衣裏何圖忽放光。知是君家無上

寶玲瓏，明月照迷方。

秋思

西風葉落洞庭波，鴻雁紛紛夜雨過。欲問湘山何處是，滿天秋色不勝多。

九月八日過東村邊氏飲

滿籬秋色似柴桑，留客樽中酒正香。今夜因君成一醉，不言明日是重陽。

還家寄仙楠

牀頭數卷素靈文，竹裏炊烟一徑分。終日驅馳羽根路，曾牽官事不尋君。羽根村名

老將

一為邊將老風沙白首談兵韜畧加麾下偏裨多是
骨虬鬚憔悴獨還家

寒夜友人過訪得居字

問君招隱意何如今夜吟來興不踈叢竹風寒門外
雪故人家似剡溪居

寄某禪師

師時寓于江州瓦屋寺松雨軒在昔
豐聰太子始開瓦窰之地後為寺

千年瓦屋作招提霜後林巒越水西一片盤陀趺坐
地松風颯颯雨淒淒

採蓮曲二首

江上風飄羅帶長蘭橈桂棹競新粧岸頭白馬誰家
子笑隔荷花立夕陽

江上芙蓉花發時佳人桂棹逐流移應知采采貪紅
艷月照前汀歸每遲

春日新晴

遲日鶯啼野水濱烟霞滿日雨晴晨玉壺春酒登山
屐隨意尋花有幾人

圓位法師墓

在京師東山雙林寺丁巳二月既
望六百年正忌辰

雙林春滿夕陽邊古墓無人草似烟今日弔來何所
見對花空感命終篇

次韻谷子疇山家春日之作

寂歷柴門松十尋，滿窓蘿薜晝陰陰。
夜來雪盡前山雨，澗水今朝幾尺深。

同賦途中寒食

客裏東風楊柳青，朝來禁火雨冥冥。
山村寒食人烟絕，一路鶯啼不忍聽。

夜雨

虛堂醉卧欲三更，窗外蕭蕭夜雨聲。
明日櫻桃花滿樹，可憐春色遍高城。

窖梅為鼠所啗

蒼鬚穴壁暗中馳，認得花香獨自知。
窖裏為貪春色好，飽咬玉骨美人肌。

江樓聞雁

月暗烟波急暝流，一羣新雁起沙洲。
驚破愁人遙夜夢，聲聲相喚過江樓。

哭巖城長兄

老來那料舊相知，一卧終成異代悲。
淚落燈前秋雨夜，憶君猶記少年時。
長兄嘗從予問詩

題紫媛石山著史圖

危亭縹緲翠雲間，今日佳人去不還。
彤管一從裁女

史長懸明月，照湖山。

白牡丹

山齋風雨惜春殘，
衰露天香捧玉盤。
一種仙姿誰得似，
新粧如水月中寒。

秋夜雨得雨字

秋雲漠漠昏茅宇，
落葉蕭蕭委塵土。
風動疎林若有
人，夜來多是巴山雨。

題莊周像

漆園晝煖曲肱眠，
曾著南華書一編。
天地年年花自好，
春風蝴蝶夢翩翩。

春日即事

好花時節正清明，
城北城南喜雨晴。
黃鳥亦能解春意，
朝來呼友兩三聲。

山寺避暑

松杉滿徑午陰涼，
雙屐穿雲到上方。
始覺山中無苦熱，
風吹梵唄繞繩牀。

乙卯八月記迷

黯淡陰雲掩碧霄，
淒風八月雨瀟瀟。
中橋半斷洪波起，
下有魚龍衝岸驕。

擬出塞

臣牛集初編 卷之六
青修館藏
八月霜飛白草平，北風一剪動高旌。天兵十萬蕭關道，羌笛猶聞出塞聲。

雨夜寄館郡丞

時行役吉城郡

細江秋色水烟孤，行役看君困宦途。客夜蕭然人不寢，管禽只管雨中呼。

兩夜感懷

荏苒年光似水流，燈前一夜客心愁。西風蕭瑟三更雨，聲滴梧桐葉葉秋。

西郊師房前松數年枝葉繁茂慨然有感
尋僧話舊意相親，歲月悠悠苔水濱。記得庭前松樹

子今來皆老作龍鱗。

九月七日寒山居士忌辰

寒山亡友伯瑜之法諡也

登高節近白雲秋，獨對黃花憶舊遊。唯見寒山松一樹，塚邊荒草使人愁。

三月二日清水館即興

宿雨初晴烟景開，江亭三月水雲隈。春流明日桃花岸，更待何人修楔來。

雲林書屋圖

寂歷雲林隱士居，逍遙時復伴樵漁。讀書萬卷山中樂，南面百城恐未如。

南窓分題雨後江上泛舟

雨歇長江十里流，蒹葭風起夕陽收。
乘涼杯酒扁舟興，一曲高歌兩岸秋。

春閨怨

分明昨夜夢郎歸，覺後天涯萬里違。
不管閨中花鳥晚，年年何事滯金微。

暮春草堂即事

數畝閑園隔世塵，殘花過雨有餘春。
攤書就睡幽窓下，日午山鶯來喚人。

送人遊伊勢

海驛花飛客路通，東南山出見朝熊。
茅茨不剪階三尺，宗廟依然大古風。

塞下二首

戰血朱殷塞草腓，風沙獵獵捲戎衣。
黃昏獨步陰山下，射殺胡兒奪馬歸。
白草霜飛大野間，漢家兵卒下蕭關。
沙場一戰敗驕虜，馬上彎弓月下還。

十日子敬子良至

枯魚濁酒豈辭貧，彭澤秋深楚水濱。
籬下猶餘叢菊

色今朝復遇白衣人

災後口占二首

誰圖老遇此艱難，災後蕭條風雨寒。似是焚巢驚宿鳥，何當棲息一枝安。
兩回災變及池魚，赤土茫茫灰燼餘。大歲周天纔屈指，人間居似火中居。

田家雜興

日觀山前草似烟，桃花浪暖野溪邊。太平時節田家樂，一任牝牛抱犢眠。

伯夷扣馬圖

北海清風自絕倫，曾辭孤竹好求仁。諸侯八百盟津會，誰是當前扣馬人。

搗衣

萬戶霜寒雁正飛，人傳轉戰在金微。也知征客無歸日，泣向秋風獨搗衣。

送埜子容南遊

雲開淡島接磨關，君去揚帆幾日還。讚海茫茫烟浪闊，天邊何處象頭山。

蘓子後赤壁圖

天開赤壁斷崖寒，江上扁舟水淼漫。月白風清孤鶴

夢、畫圖千載坐間看、

雨中觀插秧

水田沒、肝插新秧、蓑笠蕭蕭雨氣涼、寄語市朝飽餐、
客農家艱苦自思量、

早春送人登秋葉山

羽客笙歌日月新、巍然南嶽祝融神、東風一度花開、
處秋葉山頭也是春、

會稽吳當浦味遇八門人 津塾廷賢子容 訂

卧牛山人集初編卷之六

